

福建通志



有

建

通

文



福建通志 全三十二册

沈瑜慶  
陳衍纂修

江蘇廣陵古籍刻印社出版印刷

揚州古籍書店發行

一九八六年十月出版

定價二百五十元



福建列女傳卷五下

節烈十一 莆田

陸柔歐陽夢桂妾海鹽人隨母流落至閩桂納之桂嘗上書論捍禦元兵機宜德祐初元兵入臨安桂在太學元脅受以官桂鬱鬱有南歸意爲仇人所發下獄赦出即死氏母數譴氏他適不從已而母陰以氏許虜酋張姓者氏曰我主死於虜我肯屈事虜哉逼之遂自經

李氏陳元伯妻夫溺死氏尋其屍不得自投於水

高氏薛元第妻嫁未數月夫卒於粵氏聞訃日夜號慟喪畢氏亦哀毀死

方氏薛瓊妻夫卒日夜仰天大哭數月遂自經死

張氏崔世德妻歸三年夫亡自經

章氏方大道妻家遭疫死已半大道又歿撫棺大慟數月自經死以上宋

陳氏崔儀妻家貧勤女紅佐孝養儀登宏治進士以病請假歸未幾卒氏

視殯畢即入房自縊殉

福建列女傳 節烈 莆田

黃氏詹秉直妻嘉靖間廣賊猝至與姑同被執賊索姑金帛筆捷慘酷氏

號呼願代賊殺姑氏厲聲哭罵奪其刀自殺

陳氏王原德妻寡居王莊廣賊盡得王莊諸婦女惟氏抗死房闔中

張氏王大勳妻夫亡自吃糠覈以米啗姑遺腹生男撫教之倭賊既入城

與婦朱氏局門燔死

陳氏朱雲衢妻夫歿內外家欲奪其志氏自縊

陳氏朱朝勳妻夫病刲股籲天請代及卒視殯畢自縊

翁氏高翰妻賊入城氏抱姑哭賊殺姑又殺其幼子脅以刃曰不從砍矣

氏罵曰姑死子死吾獨生乎伏姑屍大哭遂遇害

柯氏林觀頤妻倭圍城氏語妯娌曰城陷死矣賊至被執至顧家池亭賊

稍侵之遂赴水死

陳氏林觀文妻倭陷城被執不屈賊生得而投之火中

王氏林文鉞妻黃氏鄭氏文鉞孫婦王早寡撫孤有孫矣城陷遇賊賊欲

刃之孫廷準曰祖母守節願殺吾賊殺準王得釋準妻黃氏縋城遁入山

聞夫被殺不食死準弟廷灝以護幼弟出城爲賊所殺未娶婦鄭氏適初

繫亦自投白馬潭中

終

鄭氏林承芳妻遇賊憤罵賊怒割其左耳罵益厲賊復割其右耳又罵賊

大怒割其鼻逐之時夫死室燬乃歸父母家與弟拾野菜取松毛自給以

劉氏林須恭妻姿貌殊麗賊強欲侵之氏抗拒刃其腹同俘者見其屍仆

地猶手執視襠賊感動爲具棺殮須恭是日亦被害於他所

方氏陳在良妻倭陷城與姑及夫出避賊賊擁至俱相失賊逼之罵賊投

河死

邱氏陳準妻年方艾流賊入其家時氏在樓二賊捉之遂投樓下死葬於

舅姑墓側夜時有火光後占墳有水啓別竈皆水滿獨氏竈有團火出穴

人謂正氣所感也

福建列女傳 節烈 莆田

黃氏陳復拱妻遇賊垢面冀免賊逼之梳洗氏哭罵奮前奪刀賊大怒曳

之出氏且指且罵賊刀劈之五指俱落仍刺殺之同俘者覆青袍積薪焚

其屍

鄭氏陳七妻幼議婚於七七弗類七祖希珍請退婚絕粒誓死及于歸事

希珍孝謹七果有稔惡氏以扇掩面自經死

游氏周大佐妻倭陷城被執賊責贖金露刃臨之氏無懼色值他賊過欲

以金代贖氏罵益甚遇害

陳氏鄭任妻倭入城即投井以救免同夫被執八營既而夫釋氏獨留遂

罵賊死歸殯之面色如生

鄒氏鄭肇妻倭賊陷城舉被執舅引姑及氏匿鄰舍天明賊獲之逼使前

氏奮曰死即死耳不可前也賊怒刀刺洞胷血被地猶屹然坐姑驚號賊

砍姑頰氏益憤罵激烈賊遂刺其喉以死

蕭氏鄭若濟妻倭至江口若濟遇害時蕭入城聞訃即投橋下死



陳氏鄭東野妻賊入城即投井家人救出之同夫被執罵賊死

蕭氏鄭日新妾與婢同爲賊執曰吾必死之即以所生子付嫡既至賊營逼之不從伴欲殺之即引頸受刃如是者三婢勸之曰何自苦乃爾怒罵愈厲賊殺之

陳氏李塗妻塗嬰疾氏事之惟謹奉姑甚孝倭執而逼之罵賊赴水死

林氏雍士憲妻倭至姑臥病氏不忍去賊將殺姑氏請代賊見氏色而悅之免其姑縛氏去至渠河紿曰不須縛願自行賊信而解之投河死

黃氏阮有道妻居海上聞倭警携二子附舟避之賊追至赴水死有道從弟適充妻陳氏遇賊上亦赴水死

林氏蕭奇烈妻林氏蕭奇烈妻同婦共節倭至城二婦相語曰吾二人整居十年義不可辱當求所以生二孤耳奇烈妻繼見城外投城下從之奇烈妻則毀面易丐者服從城門出奇烈妻足傷尋卒奇烈妻被傷仆地力護其兒居月餘亦卒

福建列女傳

節烈 莆田

三

福建通志  
總卷四五

唐氏蘇繼茂妻倭圍城急指後庭井謂賊獲曰城陷此吾死所矣倭入城盡室逃竄氏投井死

劉氏黃斌卿妾微時夜夢黃龍入室翌日斌禮至氏矢志從之既而斌遠遊家益困家人妯氏嫁氏顧斌前妻二女曰汝二人自爲計遂投水歿

二女亦投水死斌後富貴自銘其墓

陳氏黃河妻河陷賊營賊質以索鑑氏徧貸宗人無所得乃自入賊圍請代告賊曰必放夫出鑑乃可得適旬河不至賊以爲紿已引出割其乳立斃

陳氏黃士寵妻士寵蕩子也氏俯拾仰取生有男女而士寵歿舅欲嫁之涕泣跪庭自明志義無何男女皆夭志節益堅寇且至城中屢驚語人曰吾聞死而無辱則魂魄不姚意被擄赴水死

朱氏張氏黃采妾賊入城朱自經死張與采被執賊屢犯不從執采焚之張自投烈火死

張自投烈火死

翁氏黃懋志繼妻莊重美姿賊見而悅之氏給以更衣入室自經

高氏黃約妻城陷抗賊死節

陳氏吳應桓妻寇獲之大號曰一死便休豈從汝耶仆地不起賊遂以刃之

鄭氏吳緒妻夫亡勵節城陷死於賊

莫氏吳鴻猷妻夫歿氏慮姑老過慟私持草薦夜臥夫柩下晨夕上奠取夫書藉置於前一日聞外家別父母歸整衣以管鑰付姑閉門自經

張氏宋茂清妻賊逼之具脂粉使自飾氏號罵盡碎其具賊欲刃受以頸乃禁之密室氏潛自牖出抱乳兒下井死

何氏郭景順妻遇賊勒之不從欲兵之曰可殺不可辱賊五舟聯爲一舟縛氏出刃摩其頸以示同俘諸婦時冬衣絮領厚氏自抑衣領伸頸受刃

慢罵祈死賊怒殺之投屍海中

黃氏李啓謨妻氏方盛年賊至乃匿其男雞栖中覆以麥草與二女俱投

福建列女傳

節烈 莆田

四

福建通志  
總卷四五

水死

陳氏盧士行妻夫死視殮畢自經以救免遂絕粒十餘日嘔血數升而逝

王文奎女江口前王村人方笄被擄給賊曰渴甚欲汲江水飲之乃約帛束衣沈於江順流下海數日矣屍忽乘潮而返肌不露而色如生

林氏魏雲章妻夫病刲股愈之越九年疾復作不起氏哭奠畢自經

王氏張廷光妻廷光隨父卒於官邸久之父亦卒姑吳氏私與季子謀嫁之氏不從自經死

張氏唐端位妻夫死母令改適不從母以疾召歸潛許鄭姓者氏聞自經而死

鄭氏邱伯載妻無子舅早世與姑曾氏相依家貧紡績茹素二十年營葬舅與夫畢即減食哀慟死

余氏樂溫妻溫商潮河死訃聞氏索屍哀痛沿河傍徨月餘不得遂自經溝頭地嫗賊入莆田將殺一男子嫗抱持云夫也賊奪而殺之嫗撫屍哀

溝頭地嫗賊入莆田將殺一男子嫗抱持云夫也賊奪而殺之嫗撫屍哀



血哭移時亦遇害

北門姬賊殺其姑抱哭同死

後村婦人容色甚盛不受賊汙曰請受刃賊戀之置諸房乃自垢其面請死甚切賊不聽復以火毀面皮賊舍之

陳氏許有客未婚妻未行夫亡以烈殉

鄭氏吳世勳未婚妻既許字氏兄恥吳貧挾勢悔婚而納富家聘氏縊素

臨之曰吾有死而已碎其聘登樓不食死

翁氏朱紀未婚妻紀亡女欲往用奉姑父母不可遂不食越月父為卜婚

自經死

鄭氏林一作陳嘉猷未婚妻未成禮夫卒憂憤絕食竟自經

康氏林九錫未婚妻父與林瑛善以許其子九錫已行繫臂禮及貴抵家

聞瑛繼妻不恤前人子遂潛取宗人女并載宦游意欲為女代也女知之

即不食私語泣宗人女曰吾誓必死宗人女亦欲歔泣下比至驛舍病轉

福建列女傳

節烈 莆田

五

福建通志 卷四五

劇父母間之垂淚不能語遂絕越二日宗人女亦暴卒其夕林瑛髮髻見

二女來拜謁心驚訝之後果聞其事

何氏卓爾植未婚妻夫死力請奔喪謁舅姑撫屍大哭是夜解襟帶自經

顏色如生

陳若瑛舒郎未婚妻義門人舒歿不食死臨終留詩云有女名若瑛義門

陳氏子女紅中饋餘頗亦嫻書史十九聘舒郎雙璧燦盈時百年偕老期

竟為天所阻妾心雖未明妾心良已許豈無展轉匹志奪妾所恥各既為

君婦能不為君死我生尚氣節賦終毛髮豈

王氏陳商未婚妻福清人商死奔門守節倭變與舅姑竄福嵩山被獲給

賊釋舅姑及夫之二幼姪相從至涵江賊營即以所藏利刃刎喉死賊知

其為烈女也以錦衣衣其屍相率羅拜昇置江邊為潮沒去又放同日所

擄者以上明

戴氏蔡貞啓妻貞啓自浙扶父輓歸尋卒氏無子越數日沐浴素服訣族

戚開戶自經

許氏翁帝城妻孝事舅姑夫早歿登科體素弱病篤氏籲天請代夫歿

髮棺中不食十餘日卒

陳氏翁某妻歸三日夫卒毀幾絕殮後營葬畢自投縊死

林氏黃子萬妻夫歿終養舅姑服闋於夫忌日自縊死

蔡氏黃彥彬妻彥彬犯癩年餘臭穢達戶外氏盟拭無厭倦及卒遂自縊

殉

陳氏黃士斐妻氏歸涵江外家值海寇登岸被執不辱斷五指臂傷數月

遂遇害

林氏黃士洙妻夫歿生子昂甫辟守節撫孤未幾夫卒氏絕粒十餘日死

王氏黃維中妻夫歿忍饑守節為夫立繼畢即盡節殉

陳氏黃華崗妻能詩夫業販策性卞急稍不如意輒呵責之毫無懼色夫

死念舅姑年老曲意侍奉及歿喪畢自縊卒

福建列女傳

節烈 莆田

六

福建通志 卷四五

陳氏黃君朝妻歸三年夫歿於浙罄篋挈骸歸姑旋歿復經紀其喪絕粒

旬餘自縊死

林氏陳某妻被強暴洪姓賊逼不從仰藥死

程氏陳鉞美妻幼事寡母以孝稱長適陳事姑如母未舉子為夫置妾生

子壩撫如已子順治間海寇亂夫被俘氏泣語家人曰與其食生以受辱

毋寧就死以解禍遂投縊死賊驚歎釋其夫歸

林氏陳開妻事舅姑孝順治間海寇亂被執不屈乘間投崖死

李氏陳士欽妻夫病刲股療臂祝天請代不效遂絕粒九日弗死吞金又

弗死卒投縊逆

姚氏陳季寅妻寡數歲遺孤孀氏痛夫及子遂自經

林氏陳肇修妻夫卒奉舅至終喪畢從容縊死

徐氏陳八士妻時海寇猖獗八士同氏携兒女入山避難至東山男婦衝

突失夫所在氏哭謂女引治曰賊且至遭掠我分必死解衣帶自經引治



亦繼

林氏陳敏妻家貧如洗夫充海壇卒歿於海氏紡績事姑終喪亦投海死

徐氏陳天祐妻夫歿遺腹二孤家貧事姑甚孝或以窮勸改適氏辭姑絕

粒七日自經

葉氏陳啟厚妻夫歿臺灣無子紡績養舅舅歿託所親收夫屍骸歸葬訖

遂吞金死

鄭氏楊展驥妻順治戊子寇變氏携幼子扶姑爲賊所掠恐傷其姑強行

數步抱女偕沒於水

陳氏吳公拔妻早寡順治間海寇至姑被擄氏挺身救姑得脫寇執氏逼

之不從引頸受刃而死

高氏吳洪妻病篤焚腕以禱於天後及歿剪髮納夫柩中自經死

林氏吳吉妻夫卒絕粒不食登堂拜舅姑及族戚吞金死

喻氏吳煥妻夫歿氏青年守志養老姑及歿痛哭斷餐月餘死

福建列女傳

節烈 莆田

七

福建通志  
總卷四五

黃氏吳廷揚妻婚二載夫亡立嗣終喪母逼再醮氏吞金死

陳氏吳志用妻夫亡守節撫孤世璉成立未幾歿氏與媳同時投繯死

林氏張衷燦妻順治丁酉海寇掠婦女氏罵賊不辱被殺長子垣奔救亦

墜坑折足死

鄒氏張誨妻夫死號哭欲絕未幾葬夫畢投水死

張氏余偉妻順治丁酉爲海寇所掠不從被創赴井死姑吳氏與一女繼

之

林氏王廣質一作妻順治庚子海寇登岸掠婦女氏罵賊不屈遇害

鄭氏方塘妻康熙甲寅寇亂山民避寨自守塘病卒賊攻寨愈急氏恐其

尋自經而死

鄭氏方璧仲妻遭變被虜不屈自縊

王氏朱大雲妻值避海寇難甫出門一寇突至欲辱之投水死

鄭氏林宜伯妻夫亡哭盡哀葬姑畢與族戚訣自經死

周雲香林興妻王氏婢也姑病刲股夫病亦然未幾姑與夫俱歿拜辭三

母自縊死

張氏林翼生妻翼生病劇自度不起謂氏曰汝年少無子能久留乎氏

一指爲信誓俱死夫卒氏吞金亡

顧氏林振光妻夫死矢志不改父母憐其少命刺紅繡遺氏嫂微示之意

氏遂置鞋流淚絕粒十四日卒

鄭氏林振先妻早寡避賊松嶺下遇賊欲汙之罵不絕口賊怒肢解之

唐氏林祐妻夫歿爲立嗣營葬畢拜謝翁姑吞金盡節

黃氏林鑑妻夫歿哭盡哀喪盡禮立嗣承祧將卒哭沐浴更衣閉門自經

張氏林一作應金妻姑病氏刲股和粥愈之夫又疾篤氏叩天願以身代

潛赴水死是日夫果愈

陳氏林光黎妻嫡程氏生男焯甫八歲程與夫相繼殞氏念主柩未葬

福建列女傳

節烈 莆田

八

福建通志  
總卷四五

孤弱小矢志守節家貧紡績資焯膏火讀書爲夫營葬及焯入泮氏從容

殉節

鄭氏林清若妻夫歿服闋遂殉節以死

黃氏林朝對妻夫歿勤女紅孝養舅姑二十一載舅姑既逝立嗣畢捐軀

爲後卽投繯死

鄭氏林嘉楠妾博羣書知大體能背誦函史全帙嘉楠臥病令其授兒孫

句讀經義篝燈督課不啻嚴師夫歿氏卽欲自裁爲家人救免哀慟成疾

絕粒伏牀子作桂刲股和糜以進氏曰從爾父於地下吾之幸也兒當顯

揚爲孝母毀傷體膚不服藥卒

李氏林協生妻夫卒無嗣氏飲泣三年力營窀穸吞金死

吳氏林潛光妻夫入泮旋亡氏爲立嗣奉養舅姑期年絕粒死



吳氏林九姑妻于歸半月夫亡甫期舅姑繼歿氏哀痛自縊

張氏林鐘妻于歸二年夫歿殯後泣謂鄰婦曰吾舅姑子女俱無不存何為是夕投繯殉

陳氏林聲臨妻夫病叩天請代夫歿之夜素服自縊負而未葬棺厝於野值大水發諸柩飄流氏棺獨架樹上人謂陰靈護之

方氏周某妻家貧事舅姑孝舅為縣掾及卒官逼氏夫續役會兵與夫避去姑在獄氏泣求請代不從即欲自裁捕者索賄無所得詈之氏懷孕投井死官廉得其狀出姑於獄夫得免

林氏鄭聖儀妻夫卒女又死一日歸外家父母議別適氏即奔歸與姑泣別不食而死

周氏鄭耀人妻夫卒僅一子舅姑老病貧甚氏紡績供養數年舅與子相繼卒氏不食數日死

陳氏鄭瑞卿妻夫歿氏經營殯葬絕粒死又陳氏瑞卿弟萬卿妻夫死治

福建列女傳 節烈 莆田 九 福建通志 卷四十五

事畢亦吞金死

陳氏邱晉仲妻夫歿投繯以救解卒閉戶自經

陳氏昌言妻夫死經理喪具畢從容辭姑及姨姪作絕命詩飲藥死詩曰

結髮為夫婦十年琴瑟調秋風隨蝶花誓與子同凋針刺易書卷冀君名

業新君既中途阻何惜此一身絕粒求速死眾口與我違姑姨苦相勸留

我欲何為或言俟卜葬此事不須時同室宜同穴山移志不移俯仰惟長

歎捨身死若生魂既與君俱心同蘭水清

李氏宋冀上妻父俊與宋學鵬指腹為婚後因遠徙十年不相聞父擬他

配氏不從迫還成婚生子四歲殤夫繼亡泣欲死姑曰汝死我誰望乃伴

應曰當俟娶婦是夕自縊死

唐氏宋宜信妻事舅姑孝夫病羸籲天請代夫竟歿氏擇姪為嗣欲自殉

延至浹月先期自絕粒於夫亡之日易服訣家人吞金死

陳氏蕭傑妻夫病剖股剖肝以進立愈明年又病復剖肝不效幼子繼殤

氏自縊

方氏蕭捷春妻年少夫歿投繯以殉

范氏姚某妻金華人夫卒不食七日姑勸之略飲水延至十四日自縊

王氏姚兆符妻夫亡哭至嘔血及百日拜辭舅姑父母遂投繯而死

余氏姚陵和妻夫病侍奉不少怠甫五月夫歿氏與家人訣入室自經

吳氏潘仁師妻歸三月夫死服闋父母欲嫁之氏乃自縊

吳氏潘舜光妻事太舅與舅姑曲盡孝道甫四載姑及夫病氏剖股以療

不效相繼亡氏痛欲捐生家人防之密及期乘閒吞金死

孔氏何孟高妻嫁未幾夫卒自殺以從

林氏李鍾英妻鍾英少病風痺父願退婚氏不可未幾父母俱歿母之兄

弟以氏陰許他姓氏規知之夜赴李門拜舅姑及夫夫病如前氏扶以出

入既而夫死大慟數日亦亡

吳氏李漢聞一作妻夫亡遺一子食貧守節母子相依越數載孤殤氏大

福建列女傳 節烈 莆田 十 福建通志 卷四十五

擗絕粒七日而死

陳氏李兆光妻夫歿遺腹生啓立氏與祖姑朱氏共寢處五載祖姑歿及

葬氏携姑柩哭逐絕粒十三日卒

陳氏戴萬經妻經海上運載為業過寧波洋舟覆氏聞信痛哭坐小船望

洋叩拜投海

周氏彭卿侯妻夫卒痛悼欲絕立嗣營葬畢自經死

戴氏彭章侯妻夫亡無子斥賣裝資為舅姑及夫營葬畢預棺衾擇日詣

宗祠與戚屬訣投繯而逝

林氏魏國賢妻夫歿葬畢吞金以殉之

俞氏沈堂妻容色美麗取賊至庭而執之並及其夫以挾之氏計脫其夫

乃與賊抗威以刃就刃逼以火赴火卒被幽禁乘閒投繯賊怒磔其屍而

棄於河

黃氏鄒堯望妻康氏鄒自東妻林氏盧肅謙妻陳氏郭痛治妻俱以夫卒



壽商

林氏柯克榮妻夫歿哀慟欲絕姑諭止之氏以養姑有伯氏在投縊殉

唐氏許一清妻清家貧舌耕氏佐以女紅夫歿無子氏命治殯具二鄰

詰之泣曰吾上無舅姑下無子嗣惟有一死以殉耳絕食七日不死遂自

經鄉人哀其烈釀金以殯

林氏梁擎仲妻夫客死聲誓珥迎柩歸葬夫弟過歲患癯姑欲棄之氏辛

苦哺以長姑病籲天請代已而姑愈氏疾家人侍以湯藥氏却之曰今幸

得從夫君於地下矣屏藥不食死

林氏洪泰坊未婚妻泰坊因父陷於賊憂卒氏聞訃欲奔喪不得父母議

更配氏曰吾義不許二姓自經死

李氏關文老未婚妻文老客長沙死氏聞訃絕食辭父母奔夫家謁姑畢

沐浴更衣自盡

陳氏鄭雪末未婚妻雪漁人也歿於海氏聞訃奔其門拜謁舅姑哭祭江

福建列女傳

蕭烈 莆田

十一

福建通志 卷四十五

歸而自縊

黃氏朱點末未婚妻點卒氏奔喪欲殉姑阻之及卒哭日遍辭家人自縊死

黃氏歐潛末未婚妻潛卒氏聞泣告父曰兒欲覲舅姑可乎父許之謁舅姑

卽出聘時儀物及私簪珥授之曰願早卜葬必同穴也期年將葬卽絕飲

食沐浴更衣死

劉氏陳三郎末未婚妻夫卒氏聞卽自經以救免父母欲令他適又自經復

救免不食三日死

林氏陳琦末未婚妻琦家貧不能娶氏大父欲改配氏不從琦忽病殞氏遂

奔喪歸七日吞金死

林謙治陳某末未婚妻許陳某嫁父母嫌其貧別娶聘氏自縊死

湯氏謝某末未婚妻許謝未行順治間寇至氏率婢何宮花投井死其兄宗

臨妻周氏亦繼之

曾氏侯寧末未婚妻將婚夫死氏欲奔喪父母弗許姑亦以貧故力辭氏誓

不改字訂以明年夫亡之月日殉之自紡績爲殯具及期赴夫家宗祠

及姑遂入室自經

黃氏王天麟末未婚妻天麟旅死氏屏簪珥服縞素欲以身殉家人防之密

後浸疏乃於夫亡日投縊逝

盛氏王遠治末未婚妻遠治客殞於蜀訃至氏卽欲自裁父母力止之有議

婚者至氏遽投井死出之復甦越十五載歸夫家室如懸轡族正上其事

於縣撥祠租五石贍之氏爲夫立後未幾天氏大慟曰不死復何待乎遂

投縊死

趙氏林文恢末未婚妻夫死聞訃奔喪踰年父母議他配氏自縊

宋氏林晉末未婚妻晉死氏聞訃奔喪哭泣逾期吞金不死復投縊以殉

陳氏林澄末未婚妻澄天氏聞訃奔號拜舅姑擇繼嗣營窀穸從容就義死

鄭氏林重華末未婚妻聘一歲重華歿氏年方笄聞訃奔喪以舅老延命旦

夕孝養盡禮舅歿卽絕粒死

福建列女傳

蕭烈 莆田

主

福建通志 卷四十五

陳氏林于維末未婚妻夫卒奔喪奉舅姑紡績供養及舅姑歿氏吞金死

趙氏吳誠末未婚妻母病嘗割股以療順治戊子寇至懼爲所侵自經死

鄭氏曾申末未婚妻申浮海舟歿屍歸氏奔喪從死

林氏曾科末未婚妻科歿於海氏奔喪夫家服闋請於父母從容乘舟投海

死士女環岸而觀

潘氏李輝孫末未婚妻輝孫訃至氏適治炊爨吞聲含淚俟飯熟始稱門外

浣衣母往視已赴水死

翁氏周潛芳末未婚妻夫歿卽歸周奉舅姑逾一年以身殉

顧氏余榮曾末未婚妻聞夫訃剪髮奔喪孝事舅姑爲夫立嗣經紀喪葬事

畢飲金盡節

吳氏黃恩老末未婚妻甫聘而夫死入門哭盡哀擗續養二老舅姑繼殯負

土葬畢絕粒十三日未死吞金殉之

林氏黃文末未婚妻文患惡疾氏請歸奉侍以老父母不許卒改配他姓氏



自縊死

許氏方發祖未婚妻發祖父建大父真朋俱早世母黃祖母林兩世婦守

王待魁女方笄廣寇至擄女行至屋後山山下有大潭給以飲解帛束衣

其墓今人稱其潭為烈女潭

劉氏二女被賊擄繫入知府林介祠中倭飲而酣遍視繫中得二女出之

從我當詢父母歸汝耳女曰父母未可知此時尚論歸耶罵益甚時黃昏

倭方放火女即赴火死已復侵其姊妹大罵曰我姊為汝死我豈汝汚露

刀脅之不為動倭強犯之女知不免給曰吾固願從但姊屍未化不忍也

倭喜身負薪為諸酋先火燬女又赴火死倭恚甚連創其膚殺其被繫四

五人以洩怒

福建通志

福建列女傳節烈 莆田 仙遊

林國鼎女甫笄賊至欲逼之伴許諾行數里有井在道旁投入死

西門女子賊至匿西門寶中賊得之據地不起賊怒刺其喉死四五日顏

色如生頭微俯若支頤之狀

二州女姊妹也賊欲汚姊姊厲聲大罵值火發遂赴火死已而及妹亦投

火從之賊吞去

水關旁女賊執之罵賊賊斷其舌寸斬焉

釘壁女子抗賊不屈釘其手足於梅峰寺前壁間以死

槐樹女子賊入境與父同被執賊欲質其父取贖金女曰吾女流無能為

也可放吾父賊從之女知父貧無所得金代父死

衣紅女子邱家女也容色麗都賊在西洲得之厲聲罵賊死 以上清

節烈十二 仙遊

陳氏林咸妻夫死撫二歲孤紡績養舅姑外家陰主其婚迫之嫁氏度不

能免抱兒訣別從容自縊

林氏楊德妻夫亡父迫改嫁氏不從割左耳以見志卒自縊

郭氏陳某妻嘉靖間倭亂氏與父同被執賊以刀礪其頸使之偕行氏

不從賊怒殺之

奉化陳氏在訓婢被賊獲賊詰其主所在不語脅以刃曰春桃豈賣主以求

至者乎終不言遇害

薛氏嚴士貞未婚妻夫卒訃至氏欲奔喪父母難之翌日自笄拜父母會

宗族以奔喪告頗不少變入門哀經拜哭七日不食端坐自經以上明

林氏鄭貢甫妻早寡與嗣子彥晉妻郭氏孀守順治乙未寇亂姑媳避山

寨寨破被執俱投水死

曾氏鄭國翰妻順治乙未寇陷城氏携幼男避山寨路被執氏厲聲曰吾

儒家婦肯受辱乎母與子俱被害

張氏鄭廷表妻順治十年山寇劫掠民間氏與次男婦蘇氏同時被執罵

賊不屈賊刃之踰日死蘇亦觸刃死蘇子世御妻張氏寡無子立後應節

福建列女傳節烈 仙遊

四十六年一門節烈兼之

福建通志

福建列女傳節烈 仙遊

劉氏林萬泓妻夫死子女俱幼氏守志撫育順治乙未寇亂携二女奔堡

遇寇被執不辱俱遇害

陳氏林茂烈妻姑病氏刲股愈之順治乙未寇亂氏被執不從賊脅之以

刃不動卒遇害死

鄭氏林志妻夫亡訂期示必死及期端坐自縊死

陳氏林炳謨妻夫歿哀毀痛泣遂自經

某氏林春妻早寡無子事舅終年喪葬畢自經

張氏嚴元裕妻夫外出死氏守志撫孤及子與孫相繼亡氏拜辭宗族自

經死

林氏陳龍光妻順治乙未寇陷城投井死

鄭氏陳璣妻夫婦避難邑中鷄鳴氏出汲強暴欲侵之怒罵不辱歸即自

經

四



吳氏陳日京妻家徒四壁二老垂白氏勤女紅以供饘粥兼積貲備舅姑後事撫子有成因城陷服藥死

蔣氏陳惠郎妻夫歿哭絕而蘇屢引刀自刺以救免及期年外家鄰其少別委禽氏聞即自縊

薛氏陳惠妻夫歿自刎未死踰年自縊

林氏陳上侯妻夫亡無子撫三女長阿治甫十歲次捷治及三女俱幼姑早世事舅以禮越數載舅以乏男輕之氏泣謂阿治曰寡母弱女不死何為阿治亦泣請以身從乃縫固衣帶抱幼女自投於清溪阿治捷治隨死鄭氏李瑄妻順治乙未城陷氏自刎

鄭氏李仲居妻夫為賊所殺氏聞即自投於水

張氏黃仲甫妻順治乙未寇亂氏同夫被執罵賊死

吳氏葉如檠妻夫死二子俱幼舅病刲股至再及卒剪髮告哀鄰里助殯姑又疾篤復刲投愈之至順治十二年邑城陷於寇氏年時已髦引決自縊以死焉

福建列女傳

節烈 仙遊

主

福建通志  
總卷四五

余氏王友祝妻夫亡不食七日扼吭就烈

阮氏郭子爵妻家貧氏紡績佐夫養母夫死奉姑撫子如夫在日順治十二年賊陷城被執不辱遇害死

陳氏蘇元遠妻夫死姑老孀居侍奉順治乙未寇陷城氏投井死

陳氏何琮妻夫病氏刲股焚臂及卒氏號慟欲絕期以七日殉至期別族戚扼吭死

鄭氏羅子珣妻夫死無嗣逾旬素服辭舅姑別妯娌從容自經死

鄭氏吳仲舉妻仲舉久病不痊每對氏歎曰願早逝無負爾氏泣曰是何言也如不測願身從及卒即自經死

徐氏吳樑妻夫亡以舅老忍死奉養舅病篤刲股以療越十六年歿喪葬以禮及卒哭謂族戚曰所不死者為舅老耳今已逝願從夫於地下自經死

林氏屠玉珊妻嫁三載夫病刲股焚臂竟不效遂絕粒越十日投縊而逝

林氏徐樺佳妻孝事舅姑勤針紉佐讀及夫貴無驕色夫死自經

顧氏翁翰妻輟自京回卒於蘇州計聞氏哀毀不欲生趣夫弟及僕往扶柩抵東關親屬咸出迎氏往執視不哭哭亦不能一淚時輒築土室厝柩

柩氏曰為我擴數尺地且移柩往左虛其右以待絕粒數日親屬來訣者皆強起迎送拜跪如禮旋出手製布素衣語夫第曰非出吾手者勿加吾身且速扶吾柩就吾夫乃望空拜以次拜舅姑之靈及其父遂自縊

林氏嚴克昌妻夫歿服喪期年將殉節日噉湯茗數勺備身後事及期辭舅姑加帛而逝

林氏嚴棟妻棟歿氏僅一女拮据殯葬潛抱幼女俱投於池家人覺而救之

之女死氏歎曰是非我死所也翌日自經於寢室

李氏董吉妻吉死家貧兄弟來勸慰氏不哭不答亦不食越九日自經死

許氏張松妻歸松逾年松病革謂氏曰我死家貧汝當嫁氏曰若不諱願

福建列女傳 節烈 仙遊 六 福建通志 總卷四五

相從及松歿氏治喪逾月自經

吳氏何斯洋妻夫歿養姑撫子姑歿悉力營葬先人未葬之骸未幾子夭氏自經

黃氏阮尙越妻歸甫一載寡遺女長五歲尋暴卒氏為夫營葬畢服毒死

翁氏何志周末婚妻翁翰姪女也婚期前一日志周歿氏欲奔喪輟妻顧氏以尋帛中裂之各存其半及輟妻殉烈氏即懷所藏帛歸何門事舅姑終年撫夫幼弟長成弟某將以奪其志氏聞即出所藏帛自經死

鄭氏陳棟未婚妻將婚夫訃至氏即絕粒囑父治棺食誓以身殉父知其不可奪乃聽哀經歸夫家拜夫靈自經死

鄭氏嚴滂未婚妻夫亡奔喪欲殉或勸之乃止未幾夫弟又殤議嗣已定乃與姑訣自投縊死

朱氏林瑛未婚妻李氏林璘未婚妻俱聞夫亡殉節

鄭氏女父鄭樸順治間賊陷城被執正色罵賊不肯受辱賊殺之以上清



節烈十三 晉江

許氏林貞妻元兵入泉與夫同被獲有友贖林歸氏行至洛陽江赴水死以上宋

王珠娘王曾孫女年及笄值寇至執之恐被汚行至大溪乘其不意投水死以上元

汪氏楊希閔妻夫亡無子欲自經家人防之輒自嚙舌出血預取茉莉根煮湯貯卧內逾年其家延僧誦經氏爲文以祭詞甚悲夜半更衣取湯飲之天明卒

許氏楊再興妻于歸逾年夫歿無子服闋自經

孫氏蔡任妻夫歿撫孤事姑不懈居五年孤夭姑亡氏曰已矣遂自縊

呂氏蔡國襄妻夫亡氏歛其簪篸筆硯納之懷袖越三七日懸帛自縊

柯氏蔡遵儒妻早寡有亮節其侍婢辱於強暴氏以爲辱已也自縊死

李氏林泗妻泗贅其家甫五旬歸省病劇報至氏徬徨終夜明日馳至夫

福建列女傳

節烈 晉江

七

福建通志 卷四五

家泗死伏屍哭不絕聲水漿不納者七日姑強之進少許及卒哭梳沐縊死

許氏林有栻妻有栻館於陳陳兄弟不睦第將毒兄有栻誤食之立死有栻子亦過死氏由鄉居奔赴郡館持喪百日自縊柩側曰所以報夫之仇在此命矣事聞治陳罪

蔡氏林光妻光父死疫俗皆畏避不敢舉喪氏相光治歛盡禮及卒哭光亦卒無子氏悉出所藏歛餘帛及小祥日自縊

許氏林應元妻夫歿氏密藏歛餘帛及小祥日自縊

黃氏林翹妻夫歿氏訂期殉至期易服拜天地家廟及舅從容就義死

呂氏林憲章妻夫歿無子氏葬舅姑及夫柩自縊以殉

龔氏林孕妻居安平值夫外出海寇掠其鄉氏懼辱赴水死

吳氏何琚妻寡無子卒哭日爲夫置嗣從容自縊

王氏何九轉妻夫早死孤復殤氏自縊以殉

楊氏郭民守妻夫以軍舍人死倭難氏欲殉以有孕止既而育女所親更嫁唾不願姑陳亦言之氏久閉視不言忽轉睛曰姑亦出此言耶陳曰吾故婦婦何敢敗爾志立繼可乎氏居三月竟以死殉

陳氏郭宗冕妻歸甫逾月夫卒氏不食死

鄭氏歐陽寨妻時遭倭亂氏誓不受辱倭抄掠婦女氏統婢出救陷賊中遂自毀面刺頸罵賊而死

姚氏歐陽觀妻夫卒氏以死殉期語夫兄麓山夫兄知其志堅許之及期告妯娌曰吾今日得從夫九京矣拜舅姑及族人外戚自經死顏色如生

吳氏張興文妻嘉靖間倭亂氏與夫同被擄氏謂夫曰君一身宗祧所繫父母所倚宜自爲計君生妾死雖死亦生矣乃給賊釋夫歸取賂賊信之度夫去遠遂大罵賊賊怒殺之

彭氏許諸妻家至貧夫死朝夕哭奠不廢禮旋縊

林氏許廷桂妻夫死於寇氏被擄入賊寨觸石碎首死

福建列女傳

節烈 晉江

六

福建通志 卷四五

蕭氏許廷身妻夫爲寇擄氏號哭尋被掠給以渴求飲投道旁并死

洪氏許爾繩妻崇禎間適許方數日爾繩從軍海東以母托氏專姑盡禮爾繩至海東未幾病疫死訃聞氏哀痛不欲生料重瀝遠隔難負骨歸檢夫平日所著衣向海殯招魂葬之自以身殉

蔡氏李喬新妻夫卒遭垢紡績勤撫二孤嘉靖季年賊至焚其夫柩次孤爲慘氏痛憤自刎賊駭愕舍長孤去

莊氏李某妻夫以事詣京偕行至崑山夫病死氏寓書歸遺其親自溺而死

莊氏吳煒妻歸未幾煒卒煒臨卒而氏已許之死矣既卒父母知之以其祖母與臥起氏辭祖母曰吾夫無與爲三年服者吾何忍死祖母還報其家其母尋諷以他適氏憤而自縊

沈氏吳從憲妻淮安人從憲病氏預自矢及卒殉之

李氏吳天錦妻天錦出行賈家故海濱寇作家人要氏偕姑出避氏以姑



老謝不從獨閨戶相守及聞天錦死即絕粒乘間維經顏色如生

蔡氏吳鳳來妻歸甫二月夫旅歿氏日夜悲號俟輓歸遂自縊

王氏吳壽妻夫病額天請代夫愈及歿氏以斂布自經面如生

郭氏吳佳鼎妻嫁數日夫死氏即欲身殉時姑亦病篤勉侍湯藥姑愈氏

遂登堂自縊

張氏孫榮妻夫亡無子既葬營二竈為同穴計內外家強逼改適遂自縊

陳氏王爵妻適爵逾年夫歿氏不忍棄姑居一載姑為爵營壙氏日兩之

姑曰豈易言哉氏遂閉口不語翼日卒

陳氏王國助妻生孩甫四月夫死一日從母往弔外祖家回舟江中猝遇

賊氏度不免赴水越四日屍浮出面如生

許氏王理潤妻理潤欲代兄受罪司刑者不允氣憤而死氏哭奠服醊以

殉

柯氏伍端妻夫歿再閱月其襁中兒復殤柯歸外家與父母盡語返舍從

福建列女傳

節烈 晉江

九

福建通志  
總卷四五

容起居舅姑沐浴櫛髮易服自縊家人驚救弗及

蕭氏蘇忠妻忠遊清溪卒舟次報至氏慟哭殯地出殯斂於溪許還家絕

食九日翼日哭几筵畢至柩所哭盡哀閉戶沐浴盥櫛留一婢侍懸帛自

縊帛忽斷婢驚伏號氏麾婢出再縊而死

葉氏蘇國璋妻國璋為賊所執並掠家屬繫小舟中氏聞夫既死懼辱率

孕妾晚梅婢僕應瑞等十六人赴水死土人獲其屍襟前縋白綾血書二

絕云腥風陣陣起江隈百市孤城作燼灰死孝死忠人事盡留將節義魂

奸回敲斷玉釵不櫛頭沿扶雙槳赴衝流丈夫遂志妾何俟拚與湘妃結

伴遊懷寧令曾士懋殮葬之致祭而去

汪氏鄭聯柱妻夫客維揚溺於水赴至氏大慟投井死

黃氏鄭泓妻夫歿三載四子相繼殤遂於夫諱日引夫魂帛自縊

李氏黃熙耀妻事舅姑孝夫客死矢志必殉曰苟歸夫骸得同穴大願不

則耐先姑焉臨盡戚屬嗚咽氏獨晏如對天頂禮者四投縋而逝

周氏黃廷望妻夫歿氏求死姑偕家人環守之乃竟以小祥不令知也屆

期奠夫而自縊

王氏黃宗煒妻歸五月夫死於賊氏聞號慟冒鋒鏑收骸歸斥簪珥以葬

自縊

吳氏黃我妻早寡無子夫兄利其產迫使嫁氏死之

陳氏黃萬堦妻萬堦早孤育於叔父叔父賈長泰萬堦娶兩日往訪之歸

溺死氏自經殉

黃氏江甲耀妻夫久病貧穢氏敬奉無厭情侍寢而啗其餘及卒將出瘞

氏日請待旦入房沐浴自經死

史氏陳宗球妻夫死氏殉之有期矣尙攘袂為姑釀酒姑曰婦幾日在人

世尙為我釀耶氏曰正為日短故釀而奉姑將死告舅曰毋髮婦木

黃氏陳章憲妻夫入海賈呂宋為呂宋人所殺訃至氏矢死姑勸止之強

福建列女傳

節烈 晉江

十

福建通志  
總卷四五

居三月闔戶自經

張氏陳殷莊妻夫賈於漳為人所害氏聞訃號慟仆地曰吾夫仇未報可

令仇人得生哉廉得其人訟之官竟不服一日出拜舅姑曰今喪禮成矣

夫仇猶未復也當報於地下遂縊死

郭氏陳殷道妻夫死誓以身殉舅姑諭之曰爾有孤在若之何死也氏溺

曰舅姑年未暮猶有伯氏撫教遺孤願相從亡人於地下手持夫第殷莊

妻張氏死時所分遺物於其柩前焚之曰卒哭日與汝相見也至期縊於

中堂所懸帛則夫之殮餘也

顏氏柯日蕃妻夫海賈也死於呂宋氏號哭欲殉其父謹護之擁歸及小

祥告父曰女雖不死可無歸與許之奠畢乘間自縊

陳氏方其振妻夫卒朝夕哭奠不離柩側越數旬從容拜辭舅姑投縋死

是日風雨晝晦鴉聲慘噪

陳氏謝應祚妻夫卒引帛自縊帛斷泣日得無有孕乎以玳祝之弗孕越



七日遂殉

李氏莊履朋妻夫歿京邸鄰火及樞氏自投炬中侍御蔡龍嚴義之爲出樞氏被焦爛不死樞歸卜葬先絕粒死樞側遂合窆焉

柯氏龔達愛妻夫歿守節夫族第無賴某謀盜嫂氏覺告人曰狗彘尋我甚矣遂自縊某驚悸遠颺溺死

許初娘某某妻本儒家女適某亦名家子家貧某遠行初娘歸依父母丁明季之亂處窮鄉有豪某以金珠挑之不從豪懷忿一日夜深強相抱初娘推戶罵賊聲動鄰里豪驚反誣初娘勾盜拷掠無完膚初娘訣父母以死夫歸訟婦冤官護豪不爲理反坐某以刁罪被縲縲同里盧若騰爲作歌以哀其烈

無名氏婦手牽一女背負一女被賊執逼之不從脅以刃色不變賊斬之引頸受刃罵不絕口死

林氏余汝麗未婚妻麗商於外舅姑預迎氏歸未幾訃至自縊殉

福建列女傳

節烈 晉江

主

福建通志 總卷四五

陳氏蔡遵課未婚妻課旅歿氏聞訃匍匐迎喪伏柩哀號遂絕粒死

陳氏姚楷未婚妻楷卒氏踴躍奔喪撫棺號慟遂不食死

藍氏黃祥獬未婚妻聞夫訃卽悲慟自經死其家在南門橋因名爲藍橋

林氏陳廷策未婚妻聞夫訃曰無殮也往死之父曰而何往雖許未幣也氏曰幣與許奚擇哉父謹防之氏曰吾何往不得死願死陳體耳父曰壻家貧孰周身日身也乎哉曰壻家貧孰標名日名也乎哉遂往訂死期及期理帛自經三拱而絕陳故家於青山山下人言氏將赴烈山鳴三晝夜

郭氏曾某未婚妻聞夫亡卽於是夜自縊數日陰霾不雨里人立石葬於其夫之側大雨隨霽

孫氏吳廷桂未婚妻幼解經史廷桂死氏欲奔喪母兄諸父止之不遂入夜徒步携吳所納采雙金爵以見舅姑拜畢奠柩側無離次而言其死期好事者助其舅資使治美木氏聞之曰死而資夫人木耶家人曰舅所治

也走視之曰木美逾吾夫非禮矣卻之以楷槨乃許之屆期縊死書衣帶中云男毋附尸女毋啓衣

張氏徐渡未婚妻嫁而渡病已革名爲婦猶處女也氏安之及渡卒大祥氏不食數日死

蔡魁嬌女笄未字正德閒爲廣賊所掠驅之不行怒罵被殺於安平橋以上明

林氏歐陽八哥妻夫以醫遊四方氏紡紆自給順治丁亥山賊至氏懼辱同女子投於劉衙前之池里人葬之時氏之母家嫂妹三人一縊於臥內二赴水死蓋同日有六節云

黃氏歐陽復妻夫疾禱天願以身代及死絕水漿六日沐浴畢拜辭舅姑投縊死

林氏歐廷琰妻順治丁亥土賊入據衛城氏率二女赴水死里中女從死者十餘人數日屍浮皆相抱糾結不可解

福建列女傳

節烈 晉江

主

福建通志 總卷四五

楊氏陳豐哲妻康熙丁巳大兵臨泉僞帥奔掠氏懷孕見迫義不受辱投井死

曾氏陳保素妻夫歿以夫弟幼忍死撫之至成立乃告廟曰叔已受室陳氏之鬼不飯矣未亡人今得死所絕粒七日卒

許氏陳元超妻夫商於粵卒許聞訃哀慟欲殉念舅老無依乃止旣而舅歿氏嚮衣具殮服畢自經而死

李氏陳允壯妻歸九載無子夫歿誓不獨生族戚議立嗣子遂自縊

王氏陳國樞妻夫歿絕粒十日不死旋縊死

呂氏陳天定妻夫亡氏自縊殉之夫兄天俊與夫同時歿其姒黃氏念呂死舅姑孑然無養爲奉二老以終

蔣氏陳昭觀妻歸未一載夫亡抱夫主於墓母欲奪之遂與外家絕每輟女紅對夫主泣越年竟自縊

黃氏陳天鳴妻夫亡孤幼撫孤旣長遂投縊死



陳氏曾伍與妻康熙戊午開海寇犯鄉氏被擄至吟嘯浦第四橋度不免乘間投橋下死數日屍浮顏色如生衣裳不解鄉人異之

蔡氏曾兆傳妻夫歿甫脫服絕粒七日投縊死

陳氏吳宗雲妻康熙開遷界道遇賊脅以刃不從赴道旁井死

蔡氏吳瓜生妻夫歿氏日夜哀號水漿不入口十餘日復自縊

謝氏吳寶廷妻事姑至孝時寇發廷為鄉長哨及寇圍城盡遷鄉哨妻子入海至廈門旋令發配氏夜整衣北拜姑引帛自縊

李氏吳化育妻夫因婦母傳氏卒哀毀十三日歿氏赴水殉之

林氏王祿妻夫調台灣千總病歿歸氏迎奠越日再祭投縊殉

陳氏王材妻夫歿及葬舅又歿越四日縊死鄉人鳩錢以殮與材合葬

陳氏王仁齋妻夫為族豪陷於獄氏奔赴豪家爭論觸石而死夫始得釋

陳氏莊允謙妻甫婚夫病奉侍病篤籲天請代逾年夫死斥簪珥治喪畢從容自縊其時里麥方秀忽變而枯

福建列女傳

晉江

三

福建通志  
總卷四五

朱氏呂某妻事舅姑孝夫歿即欲殉其家防之密至卒哭日乘間鐮戶自經

阮氏張開宗妻夫死越五日氏服嫁時衣闔戶自經

扈氏鄧某妾嫡妒閑氏幽室數十年不得見鄧歿乃出之氏奠柩前自經死衣帶有詩云征塵萬里伴夫君冷落深閨哭不開薄命蛾眉終見妬

一縑傳送到燕雲又云飛燕伯勞此日分斷腸無計暗消魂願從野蝶依青草攜手雙雙到鬼門

黃氏蔡錫藩妻從夫寓福州連江為寇所獲同夫姊引姐投縊死

許氏蔡勉愚妻事舅姑至孝夫歿臨穴欲殉父母舅姑止之三旬貧畢縊戶自經適父外出俟歸乃殮經暑五日顏色如生

蕭氏蔡拔文妻夫歿剪髮以殮絕粒五日殉之

許氏蔡某妻夫亡守義內外家欲奪其志氏不從投井死

王氏施世儀妻夫歿絕粒七日梳洗自縊棺側

吳氏翁嗣光妻夫卒誓不獨生越七日辭舅姑從容自縊

陳氏楊緝妻夫賈於外兩子一女俱幼強暴入其室欲污之氏力拒被殺

死

王氏林彥中妻合昏夕夫陡病將卒氏哭曰死吾分也中曰能為立後乎諸之臥極側足不踰閭及夫弟舉男立為嗣遂絕粒願諸奴曰善撫此孤

瞑目逝

蔡氏林夢觀妻夫歿氏即欲殉或勸以有孤在乃忍死撫孤比長婚娶畢曰吾事終矣投縊死

張氏夏輝遠妻知詩通女誠夫亡作七言絕自詠投縊殉

孫氏柯節良妻夫歿矢志殉投井被救復投縊死

洪氏郭齊楷妻少孀矢志越六年孤長母家祖更嫁乃拜哭夫靈自縊死

與夫祖母李氏殉烈日月同

王氏潘某妻未行夫患惡疾不可近論氏改醮氏不可歸數年夫亡以哀

福建列女傳

晉江

三

福建通志  
總卷四五

死

蘇氏高士機妻黃氏士聚妻遭土寇亂妯娌俱自縊

徐氏黃汝觀未婚妻聞夫歿自經

吳氏黃斌美未婚妻夫卒氏奔喪立夫姪為嗣孝事舅姑及嗣長娶婦氏投縊卒

鄭氏黃道扶未婚妻夫訃至氏即投縊其母救避之延數月復乘間縊死

莊氏林仰烈未婚妻聞夫卒號哭不食從容自縊夫家迎其柩合葬

陳氏姊妹二人為林如聘之未婚妻先是女父以女許林而妻不願也促為書退婚已而如報至別婚矣如妻謂其妹曰我不死媒其來遂自縊越

年良書至亦已別婚氏歎曰我其從姊氏乎亦自縊林家聞而義之負其骸歸葬

張氏林麗未婚妻幼養於夫家未合昏夫亡父母欲奪其志嘗再縊被救

及終喪父母迎歸欲強嫁之氏給以歸夫家祭奠比至遂閉戶自經



王氏施嘉惠未婚妻夫應鄉試歿於福州氏奔喪孝事舅姑至小祥日於柩側家人合葬之

陳氏姚意使未婚妻父母嫌婿貧悔婚氏死之

張氏吳柳觀未婚妻夫卒氏請奔喪遠望見夫鄉卽投其鄉深潭死

許氏楊綱觀未婚妻夫外出不返氏待年已四十父母議更配氏絕粒死

王氏周良廣未婚妻夫出外久不歸氏父母憐氏久待議受他聘氏聞自經

蕭氏王某未婚妻王娶於外已生子氏待年踰笄父母議改配氏赴水死

父母求屍不可得舅姑至卽浮

蘇同春女被寇執給日家有藏金寇令取以行釋其繫赴井死

黃愛娘父愿當海氛未靖爲豪僕謝拔擄去脅女與其子定婚愛娘斷髮

求理於令不報乃仰藥死

林氏蘇雙鋼妻蔡氏其子婦章氏其嫂泉州城陷俱不屈被害

福建列女傳

節烈 晉江 南安

五

福建通志  
總卷四五

劉氏莊煥文妾杭城失守抱女小姑投池死以上清

節烈十四 南安

陳氏蘇希益妻爲倭寇所俘乘閒投水倭剿之矛罵愈厲遂與幼男俱死

林氏黃吳妻夫嘗客遊氏忍饑傭作養舅姑嘉靖間被倭執罵曰賊奴何

不殺我賊怒刺其背而死

陳氏黃思詔妾思詔歿昇以田園使爲終老計氏誓以身殉時嫡子一良

方成進士及歸與訣遂自盡

蘇氏傅禧光妻歸逾年夫歿氏請姑立後拜父訣別閉戶自經

黃氏陳民安妻夫歿一子又殤遂哭辭夫靈目縊

李氏林毓蘭妻夫死無子氏欲殉舅勸以立後且緩死及嗣定哭辭於廟

日婦事畢絕粒三十日不死乃投縊死

許氏王西忠未婚妻夫死粵東訃至氏願至夫家死母與兄嫂勸止之其

姑亦至約以招魂後迎之不可卽隨姑歸設位哭奠投縊死

楊氏吳維祺未婚妻維祺遊學粵東歿氏聞訃自經於堂中

許氏傅帛未婚妻帛死訃未至氏先入夢而駭之坐而待旦訃至慟哭失

聲絕粒死以上明

楊氏許科適妻順治間遭寇掠至廈門發配不屈自縊死

李氏葉應選妻生一男不育夫死乃潔治衣服伴爲歸寧計家人不及防

遂自縊

陳氏吳肇煒妻夫往江嶺省父歿於途氏聞訃遂入室語侍婢抱幼子出

閉戶自經

傅氏趙允芳妻夫卒無子奉姑撫夫幼弟數載有豪弁欲奪其志氏若勿

聞者爲夫營窀穸於祖墳旁屬傭爲吾留一席地約所善女伴云將有遠

行某日幸相遇過女伴疑其戲耳尋白姑曰小郎漸長婦死無憾矣姑力勸

之伴諸夜自經後花園橋樹下殉烈日卽向所預約之期也

傅氏黃攀妻夫歿爲夫置後於小祥日從容自縊

福建列女傳

節烈 南安

五

福建通志  
總卷四五

洪氏黃振芳妻夫卒氏赴水被拯復投縊死

蔡氏伍敬祖妻夫歿未殯自縊於屍側

傅氏莊景觀妻夫歿無子矢志事姑夫族陰爲議婚已受幣矣氏聞哀涕

曰我不能盡孝獨不能盡節乎吾姑老矣豈可令見吾死乃託故歸寧投

母家門前池死

易氏洪近妻夫亡守義爲內外家所逼不從服斷腸草死

呂氏林贊妻夫歿氏歸寧父母陰納他姓聘謀劫以行氏覺從間道逃歸

哭三晝夜自縊死

李氏林蔭觀妻夫歿內外家逼改適不從自縊死

某氏楊棟妻幼養於夫家未及笄而合卺值歲荒舅姑將飾爲已女鬻之

已納幣矣氏聞投井死

郭氏楊憐未婚妻夫外出未返父母欲改配卽自縊

黃氏王有爲未婚妻有爲航海不返氏孝事舅姑有僞傳其夫死耗者內



外家逼更適氏不可乃強昇以行氏知豫飲毒草死輿中越日夫至已無及矣

許氏黃橋未婚妻夫久出無耗氏父母議再擇配氏不從自縊

傅氏吳某未婚妻許字未行父移家台灣被累見收女投入陳某家陳妻

劉憐女無辜善護之女終恐見辱矢志必死值室中無人惟舊媼張在側

相對淚下既而脫簪珥投燭曰已矣遂投縊死

王氏邱某未婚妻夫娶於外歸與氏絕婚氏聞自縊

張引娘某未婚妻聞夫訃素服潛出偵夫鄉童子告之曰若歸語吾姑明

晨來此迎我越日自晨至晡待姑未至流涕曰守志不遂矣遂自縊以上

節烈十五 惠安

姚氏陳文繡妻少通孝經列女傳夫卒氏賦詩剪髮納柩中居五旬為文

辭家廟葬夫拜姑徧別戚黨遂自盡

福建列女傳

節烈 南安 惠安

三

福建通志 總卷四五

吳氏莊珊妻夫卒無子晝夜哀慟自縊殉之

洪氏王孔貴妻孀居無子聞寇至義不苟全吞金死

張氏王錫祉妻夫歿氏投簪珥柩中曰旦晚與君相見如簪之合遂投縊

死 祖氏黃舍人妻夫亡守義其姑亦孀居謀他適逼之氏憤自縊死

楊氏曾一貞妻夫歿於外氏聞訃自縊

張氏某妻夫於五月鯨渡溺死氏適觀渡聞變即去頭上花奔回斂所盡

哀執喪三年自縊 林氏李某未婚妻將嫁夫忽溺死訃至廢殯父母謀媒灼遂自縊 以上

明 林氏張榕妻遭海寇逼與娣弟氏同縊有犬守屍旁哀嗥不去賊焚其廬

犬同燼

鄭氏王汝妻夫卒寇至氏被掠繫馬上過洛陽江遂投江死

陳氏王定安妻寇至氏與娣游氏俱被執男遇害游乘間投井死氏泣

曰婦能殉夫余忍獨存亦繼之

張氏王錫祉妻夫歿慟哭幾絕服成日囑夫兄弟代事舅姑遂投縊死

莊氏王芝山妻夫亡忍死撫孤孤長而殤氏自縊

黃氏王某妻夫病經年奉侍罔懈及死三日後自縊以殉

張氏陳孫思妻寇亂氏聞寇至題壁云獨守冰霜十二秋因將繼嗣忍韜

留乾坤此際應裁決免使貞魂劍下休即夜呼兄與訣投縊死

胡氏何彬觀妻年少無出夫疾篤請先期而死以明不二潛自縊詰旦彬

觀卒 鄭氏孫洪籌妻嫁三月夫亡氏服期年投縊死

陳氏朱盤妻歸逾年舅卒越四年夫亡氏絕粒誓從死其姑苦諭止之乃

勉進水漿託故返外家自縊死 黃氏柯荅妻為強暴所逼不從自縊

福建列女傳

節烈 惠安 安溪

三

福建通志 總卷四五

蘇氏孫高未婚妻未嫁夫為虎所噬氏聞訃欲身殉姑以年老家貧哀諭

之遂留奉姑孝養逾年竟喘絕死 黃氏薛得華未婚妻得華卒氏赴夫家守貞越三年姑歿氏慟哭不食死

吳藥娘田家女也甫笄而妍母命往圃取瓜行經陳景蔗園景見而悅之

戲謂曰若敢盜吾蔗耶女誓罵景怒遽毆之裂其下裳女大呼得脫歸訴

諸母忿甚夜自縊 以上清 節烈十六 安溪

黃氏吳光隱妻嘉靖間南安寇犯境氏被擄至鳳池橋罵賊不屈賊殺之

分屍為四投水中

黃氏吳仲熙妻夫亡母諷改適不從逾五七櫛沐縫固内外夾訣舅姑自

縊死

葉坤許志超妻窮山女也嫁七月而夫歿坐臥柩側不離次越三日焚香

請告剪髮誓死絕飲食者五日姑強之啜米湯而已或勸之曰婦誠自苦